

Ndimafuna kudziwa ubwino wa Kupirira

Date: Tuesday, Muharram 5, 1447 12:08 PM

Views: 392

Category: Aqīdah > Kupirira (Sabr) > Ubwino wa Kupirira

Question

Ndimafuna kudziwa ubwino wa Kupirira

Answer

Kutamandidwa konse ndi kwa Allāh!

Allāh adaupanga umoyo wa padziko lapansi kukhala wa mayesero ochuluka. Ndipo aliyense amayesedwa malinga ndi chikhulupiriro chake.

Allāh adati:[1]

نَوْنَتُ فِي آلِ مُهَوِّدٍ أُولُوؤُقَيِّ نَأُولُكَ رُتِّي نَأَسْأَلُكَ بِسَحِّ

Kodi akuganiza anthu kuti angosiidwa basi chifukwa choti ayankhula kuti; “Takhulupirira,” ndiye iwowo osayesedwa?

Mu kuyankhula kwina Allāh adati:[2]

دَبَّكَ يَفَنَسْنِإِلَ أَنْقَلَخْ دَقَلْ

Ndithudi, Tamulenga munthu mu mavuto.

Ndipo tikaonanso mu āyah ina, Allāh akutitsimikizira kuti:[3]

أَسْأَلُكَ مُهَوِّدٍ مُكَلِّبٍ نَمَ أُولُخَ نِي دَلَّ لَتَمَّ مُكَلِّبٍ أَيْ أَمَلَوَّهَ نَجَلِ أُولُخَ دَتَّ نَأْمُتُ بِسَحِّ مَأُولُخَ رُصَنِّ نِي أَلَّهَ لَلَّ رُصَنِّ يَتَمَّ هَعَمَ أُونَمَّ نِي دَلَّ أُولُؤُسَّرِلَّ لُؤُقَيِّ يَتَحَ أُولُزَلُّوْءَ رُصَلَّ أُولُؤُسَّرِلَّ رَقَّ

Kapena akuganiza kuti akalowa ku Jannah pamene zisanawafikire iwowo zofanana ndi zomwe zidawafikira omwe anadutsa m’mbuyo mwawo? Iwowotu anakhudzidwa ndi umphawi komanso mavuto ndipo adagwedezeka mpaka kufikira poti mtumiki (wawo) pamodzi ndi omwe adakhulupirira naye limodzi adati: “Kodi ndi liti limene chidzafike

chithandizo cha Allāh?” Musakaikire, chithandizo cha Allāh chili pafupi.

Sa'd Ibn Abī Waqqāsw adati:[4]

[illegible]

Ndidati: Eh iwe Mtumiki wa Allāh (ﷻ)! Kodi ndi anthu ati amene amayesedwa kwambiri? Iye adati: “Atumiki, kenako owatsatira awo, kenako owatsatira awo. Munthu amayesedwa malinga ndi kuchilimika kwake pa chipembedzo; ngati ali wochilimika kwambiri, mayesero ake amakhalanso okhwima; ndipo ngati ali wokhwefula pa chipembedzo chake, iye amayesedwa malinga ndi mmene alili mu chipembedzo chake. Kapolo adzakhala akuyesedwa kufikira kuti iye adzakhala akuyenda padziko wopanda machimo.”

'Ā'ishah akufotokoza kuti Mtumiki wa Allāh ﷻ adati:[5]

زَعَتِ لِفِةٍ بِبِصُ مَبِ بِبِصُ أ - نِي نِمُؤْمِلِ نِمُؤْ وَأ - سَانِلِ نِمِدَحْ أَمِّيْ أَسَانِلِ أَيْ
بِأَصْ يُنَلِ يَتْمُ أُنِمِ أَدَحْ إِنْ إِنْ؛ زِي غَبُ هُ بِي صُتِ يَتْلِ إِبْ بِي صُ مَبِ
يَتَبِ صُ مَبِ نِمِ هُ لَعِ دَشْ أَيْ دَعَبِ هُ بِي صُ مَبِ.

Eh inu anthu! Aliyense mwa anthu – kapena mwa okhulupirira – amene lamugwera vuto, basi adzitonhoze pokumbukira masautso amene adandigwera ine omwe sanamugwereco aliyense kupatulapo ine. Ndithudi, palibe kuchokera mu Ummah wanga amene adzagweredwe vuto lowawa kwambiri kuposa vuto limene lidandigwera ine.

Apa tikuona kuti munthu ngati ali wokhulupirira mwa choonadi, iye ayembekezere kuti apatsidwa mayesero ambiri. Ndipo mayesero amenewa cholinga chake ndi chimene Mtumiki wa Allāh (ﷻ) wachinena kumapeto kwa hadīth ya Sa’d kuti munthu amakhululukidwa machimo ake akapirira pa mayeserowo. Choncho, iye akamakumana ndi mavuto, adzitonhoze pokumbukira mavuto amene anakumana nawo Mtumiki wa Allāh ﷻ.

Mu hadīth imene adaifotokoza Abū Saʿīd Al-Khudrī pamodzi ndi Abī Hurayrah, Mtumiki wa Allāh (ﷺ) adati:[6]

عَٰلَٰهُمُ السَّلَامُ يَوْمَ تَأْتِي سُورَةُ الْاِنشَارِ يُدْعَىٰ لِلْاِنشَارِ يُدْعَىٰ لِلْاِنشَارِ اَنذَرْتُكُمْ يَوْمَ تَأْتِي سُورَةُ الْاِنشَارِ

Palibe vuto limene limamugwera msilamu; kaya ndi kutopa, matenda, masautso, kudandaula, kuvulazidwa, kapena kulira; mpaka minga yomwe imamubaya mu nsewu, kupatula kuti Allāh amamukhululukira machimo ake pa chimenecho.

Akuyankhula Ka’b kuti Mtumiki wa Allāh (ﷺ) adati:[7]

قَفَانُ الْمُلْثَمِ وَءَرَمُ الْوَدْعَتِ وَءَرَمُ حَيِّرِ الْإِثْيَافِ تُغَزِّزُ الْإِنْمَةَ أَحْلَاكَ نَمُومُ الْإِلْثَمِ
ءَدْحَاوُءَرَمُ أَهْفَاعُجْنَانُ وَكَيْيَاحُ لَزَاتِ الْإِزْزَالِ أَكْ

Chitsanzo cha wokhulupirira chili ngati mtengo wauwisi wofewa umene umapindidwa ndi mphepo nthawi zina ndipo nthawi zina umaongoka. Ndipo chitsanzo cha Munāfiq (mtema kuwiri) chili ngati mtengo wa paini umene sugwedezeke (ndi mphepo) kufikira poti umazulidwa wonse ndi mphepo pa kamodzi.

Choncho, kupirira kwa munthu wokhulupirira kumapangitsa kuti Allāh asangalale naye, ndipo amamulipira malipiro abwino. Ndichifukwa chake munthu amene wadzipha mwadala kaamba kosapirira adzalandidwa ndipo adzamanidwa Jannah.

Jundub Ibn ‘Abdullāh Al-Bajalī adafotokoza kuti Mtumiki wa Allāh (ﷺ) adati:[8]

ءَنَجُّ لَإِثْيَافِ تَمَّحِ هَسْفَنَ بِيَذْبَعِ يَنَرَدُّ هَلَلُ الْإِقْفُ هَسْفَنَ لَتَقَفُ حَارِجُ لُجْرَبَنَ أَكْ

Padali mwamuna wina yemwe adavutika ndi mabala (omwe adawapeza ku nkondo), choncho iye adadzipha yekha (chifukwa cha ululu wa mabalawo). Allāh adati: “Wafulumira kapolo Wanga kuchotsa mzimu wake, ndaipanga Jannah kukhala yoletsedwa kwa iye.”

Tizindikire kuti Allāh amalola choipa (sharr) kuti chichitike pa akapolo Ake m’magulu awiri: Sharr al-Mutwlaq komanso Sharr An-Nasbī.

Abul Fat-h Muhammad Ibn ‘Abdul-Karīm Ash-Shahristānī adati:[9]

هِي فَرِيخُ الْرَشِّ وَهَفُ، قُلْ طَمَلَا رَشَّالَا امْأُو.

Tsopano Ash-Sharr Al-Mutwlaq ndi choipa chomwe mkati mwake mulibe chabwino chilichonse.

Sharrul Mutwlaq imawachitikira anthu osakhulupirira mwa Allāh. Pomwe Sharrun Nasbī ndi choipa chimene chimachitika kwa wokhulupirira ndi cholinga choti apeze chabwino kutsogolo kwakeko.

Taonani Abī Tamīmah akufotokoza kuti Mtumiki wa Allāh (ﷻ) adati:[10]

تَدِّيَقْ اَنْ اِيْتَكِيَّ اَلَمْ اِيْ لُوْقِيَّ فَاَتَكِيَّ اَلَمْ يَلِجْ وَزَعِ هَلْ لِيْ خَوْاْ ضَرَمَ اِذَا مَلَسْتُ مَلَانِ
بَنْدَ اَلْهَلْ رُوْفَعَمْ دَسَجَفْ هُتَيِّفَاعْ نِوْ هَلْ رُفْعْ هُتَضَبَقْ نِ اِفْ يَدُوِّيْ قَنْ مَرْدِيْ قَبْ يَدْبَعِ
هَلْ.

Ndithudi msilamu pamene wadwala, Allāh Wapamwambamwamba amayankhula kwa Angelo Ake kuti: “Eh inu Angelo Anga! Ndamusunga kapolo wanga (kuti asachite ntchito zina) kudzera mu Cholepheretsa changa (chomwe ndi nthendayo).

Ndikamutenga (kumuchotsa mzimu wake) ndimukhululukira; ndipo ndikamupatsa thanzi (akachira) ndimukhululukiranso ngati kuti analibe tchimo lililonse.”

Mu nthawi yomwe mavuto amugwera wokhulupirira, Allāh adamulamula iye kuti adziyankhula mawu oti: “Ife tidachokera kwa Allāh, ndipo kwa Iye ndi kumene tidzabwerere.” Izi tikuzipeza mu kuyankhula kwa Umm Salamah, mkazi wa Mtumiki (ﷻ):[11]

اِنْ اِلَّهَ لَ اِلَهِ رَمَّا اَمَّا كَلَّا قَفْ عَ بِيْ صُمْ هُتَبَّ اَصَا نَمْ لَ اَقَمَّ لَسَوَّ هِيْلَعْ هَلْ لِيْ لَصَّ هَلْ لَ اِلَ اِلُوسَرَّ نَا
هَلْ لَ اِلَ لَعَفْ اِلْ اِلْ. اَهْ نَمْ اَرِيْخْ يَنْبِقْ عَاوْ يَتَبَّ يَصُمْ يَفْ يَنْجُ اَمَّ هَلْ لَ اِلْ (نُوْعَجَارْ هِيْلَ اِلْ اِنْ اِلْ هَلْ لَ
يَبَّ اَنْ مَرِيْخْ نَمْ وَ تَلْقُ مُمْثْ لَدُ تَلْقُ عَمَّ لَسْ وَ بَا يَفُوتْ اَمَلَفْ: عَمَّ لَسْ مُمْ اَمَّا تَلَا قَ وَ بَلَّ لَدُ
اَهْ جَوَزَتْ مَلَسَوَّ هِيْلَعْ هَلْ لَ اِلْ لَصَّ هَلْ لَ اِلْ اِلُوسَرَّ هَلْ لَ اِلْ اَهْ بَقْ عَاوْ؟ عَمَّ لَسْ.

Ndithudi Mtumiki wa Allāh (ﷻ) adati: “Yemwe mavuto amugwera ndipo wayankhula malinga ndi mmene adalamulira Allāh (ponena kuti: Ife tidachokera kwa Allāh, ndipo kwa Iye ndi kumene tidzabwerere) kenako namupempha Allāh kuti: Eh Inu Allāh! Ndilipireni mu masautso angawa, ndipo mundipatse chabwino kuposa icho pambuyo pake. Allāh adzamuchitira iyeyo chimenecho.” Kenako Umm Salamah adati: ‘Pamene adamwalira Abū Salamah ndidayankhula zimenezi kenako ndidati: Ndindaninso wabwino kuposa Abū Salamah?’ Allāh adamupatsa Umm Salamah Mtumiki Wake (ﷻ) ndipo iye (Mtumiki ﷻ) adamukwatira mkaziyu.

Kupirira ndi chinthu chopambana chimene munthu angapatsidwe pano pa dziko lapansi kuchokera kwa Allāh. Ndipo okhawo amene ali ndi chikhulupiriro cholondola ndi amene amapirira ndi kuyedzamira mwa Mbuye Wawo.

Pa chifukwa ichi, ma Salaf adali anthu opirira mpaka ena mwa akazi amawalangiza amuna awo kuti asapeze ndalama mu njira ya harām poopa Moto. Zinali zabwino kwa iwowo kumagona ndi njala ndipo adali opirira.

Adayankhula Ibn Qudāmah kuti:[12]

هلهأ هل هلوقي هلزنم نم جرخ اذل لجلالناك ، ف لسلال ى ف ءاسنلناك اذه ىلعو ، ةعانقل
رالنل ىلع رُصاً الو ، عؤجلال ىلع رُصاً ىنإف ؛ مألل بسل و لكأى

Al-Qanā’ah (kukhala wakhutitsidwa): umo ndi momwe ankachitira akazi a ma Salaf: pamene mwamuna akutuluka mnyumba, iye amayankhulidwa ndi mkazi wake kuti: “Kapewe kupeza zinthu za harām. Chifukwa ife tikhonza kupirira ndi njala, koma sitingadzapirire ndi chilango cha Moto.”

Mudzapeza kuti ambiri mwa akazi masiku ano sali okhutitsidwa pa zimene amuna awo amawachitira. Zonsezi ndi kupanda Âqīdah Yolongosoka. Chifukwa amene ali ndi Âqīdah Yolongosoka, amakhala wokhutitsidwa ndipo amapirira pa zochepa zimene Allāh akumupatsa.

Abū Sa’īd Al-Khudrī adapereka uthenga kuchokera kwa Mtumiki wa Allāh (ﷺ) kuti:[13]

رُصلل نم عَسْوَ أو أَرْيَخَّ عَطْعُ دَحْأى طُعْأَمْ وَهُللل رُصْى رُصَتِىْ نَمْ وَ

Aliyense amene angapirire, Allāh adzampanga kukhala wopirira; ndipo palibe chinthu chimene munthu angapatsidwe chabwino komanso chopambana kuposa kupirira.

Abū Ad-Dardā’ adati:[14]

كناسل لبكس ف نذكزت الو ، لكعجوب الو ، لكى صغمبؤ دخت ال ؛ رُصلل نم ةثالث

Zinthu zitatu ndi zochokera mu kupirira: kuti munthu usakambe zokhudza machimo ako, kapena zokhudza mavuto ako, kapena kudziyeretsa mwini wako (pamaso pa anthu).

Allāh ndi Mwini kuzindikira.

[1] Sūrah Al-'Ankabūt 29:2

[2] Sūrah Al-Balad 90:4

[3] Sūrah Al-Baqarah 2:214

[4] Jāmi'at Tirmidhī, #2398; Sunan Ibn Mājah, #4023; Musnad Ahmad, #1555

[5] Sunan Ibn Mājah, #1599 (hadīth ya swahīh – Silsilat As-Swahīhah #1106)

[6] Swahīh Al-Bukhārī, #5641, #5642

[7] Swahīh Al-Bukhārī, #5643

[8] Swahīh Al-Bukhārī, #1363

[9] Al-Milal wa An-Nihal, Vol. 3, tsamba 40

[10] Al-Mu'jamal Kabīr li At-Twabarānī, #7701 (swahīh potengera Shaykh Al-Albānī – Silsilat As-Swahīhah #1611)

[11] Muwattwa' Mālik, Vol. 1, tsamba 236, hadīth #42

[12] Mukhtaswar Minhāj Al-Qāswidīn, tsamba 81

[13] Swahīh al-Bukhārī, #1469

[14] Hilyatul Awliyā', Vol. 1, tsamba 224 komanso Vol. 6, tsamba 389